

2008 Rhif 2689 (Cy.238)

**GOFAL CYMDEITHASOL,
CYMRU**

PLANT A PHOBL IFANC, CYMRU

Rheoliadau Atal Dros Dro
Ddarparwyr Gofal Dydd a
Gwarchodwyr Plant (Cymru)
(Diwygio) 2008

NODYN ESBONIADOL

(Nid yw'r nodyn hwn yn rhan o'r Rheoliadau.)

Mae'r Rheoliadau hyn yn diwygio Rheoliadau Atal Dros Dro Ddarparwyr Gofal Dydd a Gwarchodwyr Plant (Cymru) 2004 ("Rheoliadau 2004").

Mae Rheoliadau 2004 yn gosod dan ba amgylchiadau y dichon person sydd wedi cofrestru fel gwarchodwr plant neu ddarparydd gofal dydd gael atal ei gofrestrriad ac mae'n caniatáu hawl i apelio yn erbyn ataliad.

O dan Reoliadau 2004 gwnaed apelau i'r Tribiwnlys sefydlwyd gan adran 9 o Ddeddf Amddiffyn Plant 1999 ("y Tribiwnlys"). Mae'r darpariaethau apelio wedi'i gosod yn erthygl 8 o Reoliadau 2004.

Yn unol â Deddf Tribiwnlysoedd, Llysoedd a Gorfodi 2007 trosglwyddwyd swyddogaethau presennol y Tribiwnlys i'r Tribiwnlys Haen Gyntaf, a lywodraethir gan Reolau Gweithdrefnau'r Tribiwnlys newydd a wneir yn unol ag adran 22 o Ddeddf 2007.

Mae'r rheoliadau hyn yn diwygio Rheoliadau 2004 gan gymryd ystyriaeth o'r newidiadau hyn. Maent yn darparu y bydd unrhyw gyfeiriad at y Tribiwnlys yn Rheoliadau 2004 yn cael ei ddisodli gan gyfeiriad at y Tribiwnlys Haen Gyntaf ac maent yn mewnosod diffiniad o'r Tribiwnlys Haen Gyntaf yn rheoliad 2 o Reoliadau 2004.

Mae'r Rheoliadau hyn hefyd yn diwygio rheol 8(3) o Reoliadau 2004 oedd yn darparu y dichon y

Tribiwnlys ddiddymu apêl a gwneud gorchymyn costau fel y'i diffinir yn Rheoliadau Amddiffyn Plant ac Oedolion Hawdd eu Niweidio a Thribiwnlys Safonau Gofal 2002.

Cafodd y ddarpariaeth hon ei chymryd ymaith oherwydd darperir ar gyfer pŵer y Tribiwnlys Haen Gyntaf i ddyfarnu costau gan Ddeddf 2007 ei hun ac fe'i rheoleiddir ganddi a chan Reoliadau Gweithdrefnau'r Tribiwnlys a fydd yn cael eu gwneud o dan adran 22 o Ddeddf 2007.

2008 Rhif 2689 (Cy.238)

**GOFAL CYMDEITHASOL,
CYMRU**

PLANT A PHOBL IFANC, CYMRU

**Rheoliadau Atal Dros Dro
Ddarparwyr Gofal Dydd a
Gwarchodwyr Plant (Cymru)
(Diwygio) 2008**

Gwnaed 8 Hydref 2008

*Gosodwyd gerbron Cynulliad Cenedlaethol
Cymru* 10 Hydref 2008

Yn dod i rym 3 Tachwedd 2008

Mae Gweinidogion Cymru yn gwneud y Rheoliadau hyn drwy arfer y pwerau a roddwyd iddynt gan adrannau 79H(1) a (2) a (104)(4) o Ddeddf Plant 1989(1).

Enwi a chychwyn

1.—(1) Enw'r Rheoliadau hyn yw Rheoliadau Atal Dros Dro Ddarparwyr Gofal Dydd a Gwarchodwyr Plant (Cymru) (Diwygio) 2008 a deuant i rym ar 3 Tachwedd 2008.

(2) Mae'r Rheoliadau hyn yn gymwys o ran Cymru.

**Diwygio Rheoliadau Atal Dros Dro Ddarparwyr
Gofal Dydd a Gwarchodwyr Plant (Cymru) 2004**

2.—(1) Diwygir Rheoliadau Atal Dros Dro Ddarparwyr Gofal Dydd a Gwarchodwyr Plant (Cymru) 2004(2) yn unol â darpariaethau canlynol y rheoliad hwn.

(1) 1989 p.41. Trosglwyddwyd swyddogaethau Cynulliad Cenedlaethol Cymru o dan adran 79(H)(1) a (2) a 104(4) o Ddeddf Plant 1989 drwy i baragraff 30 o Atodlen 11 o Ddeddf Llywodraeth Cymru 2006 ddod yn weithredol(Cy.285).

(2) O.S. 2004/3282.

(2) Yn rheoliad 2 (dehongli) —

- (a) hepgorer y diffiniad o “gorchymyn costau” ac “y Tribiwnlys”;
- (b) mewnosoder y diffiniad canlynol yn y man priodol yn nhrefn yr wyddor—
““y mae i’r ymadrodd “Tribiwnlys Haen Gyntaf” yr un ystyr ag sydd i’r ymadrodd “*First-tier Tribunal*” yn Neddf Tribiwnlysoedd, Llysoedd a Gorfodi 2007;”.(1)

(3) Yn rheoliad 8 (hawliau i apelio) –

- (a) ym mharagraffau (1) a (2) yn lle “Tribiwnlys”, ym mhob man rhodder “Tribiwnlys Haen Gyntaf” a
- (b) ym mharagraff (3) yn lle “Tribiwnlys:” ac yn is-baragraffau (a) a (b) rhodder “bydd y Tribiwnlys Haen Gyntaf yn diddymu’r apêl.”.

Jane Hutt

Y Gweinidog dros Blant, Addysg, Dysgu Gydol Oes a Sgiliau, un o Weinidogion Cymru

8 Hydref 2008

(1) 2007 p.15.